


1610_044r.jpg



1610_044v.jpg




Premiere continuation
 1610. seront pas suffisans pour la deplorer, il reste
 quelque consolation aux François, celle-là à
 mon aduis est la seule qu'ils peuvent recevoir,
 Qu'il leur est resté vne Royne dõt la vertu peut
 non seulement seconder & imiter les loüables
 & vertueux desseins de ce grand Roy son mary,
 mais aussi recueillir les cœurs & les volontez
 de ceux qui pouuoient seruir sous luy, & les vñir
 & faire contribuer tous ensemble chacun selon
 son pouuoir au service du Roy son fils, & au sa-
 lut de son Estat.

*Mort du sieur
 du Haillat
 Historiographe
 de France.* Le 23. Nouembre mourut Bernard de Girard
 sieur du Haillat, Bordelois, aagé de 75. à 76. ans
 lequel fut enterré à S. Eustache.

Henry troisieme pour le recognoistre de la
 peine qu'il auoit prise au premier liure de son
 Histoire Françoisé, le gratifia d'un Estat de Se-
 cretaire de ses finances. Apres qu'il luy eut de-
 dié son Histoire de France par luy recueillie des
 auteurs anciens, comme le premier corps
 d'Histoire habillé à la Françoisé, il l'honora de
 l'Estat de Conseiller & Historiographe de Frã-
 ce, qu'il fit eriger en tiltre d'Office formé, avec
 appoinctement arresté de douze cens escus par
 an. Il a faict depuis l'Estat & succez des affaires
 de France, & autres liures & traictez: Il fut
 pourueu de l'Estat de Genealogiste des Cheua-
 liers de l'Ordre du S. Esprit à la creation de cest
 Ordre. Ledit Roy Henry 3. l'aymoit pour estre
 fort versé en l'Histoire de France, pour sa fran-
 chise de parler, & pour ses responce & libres
 reparties.

FIN.

1610_001r.jpg



1610_001v.jpg



Premiere Continuation
 1610. rapporter la teneur de son Edict, & comme il fut executé, voyons d'où & quand sont venus les Maures en Espagne, pour mieux donner à entendre quelles gens estoient ces Morisques, & l'occasion pourquoy ce Roy les en a fait mettre du tout dehors.

*Mahomet
 premiere sou-
 che de l'Em-
 pire des Ara-
 bes.*

Plusieurs Historiens ont escrit la vie de Mahomet, lesquels s'accordent tous, qu'estant yssu de pauvres gents, son pere de Religio Payenne, & sa mere Iuifue, il fit toutesfois accroire qu'il estoit vn Prophete. Par l'aduis d'un Sergius Moyne & Arrien, il forma vne Religion nouvelle tiree du Iudaïsme & de l'Arrianisme, laquelle ayant clandestinement semee & publice, il attira à sa suite vn grand nombre de peuple d'Arrabie, & se rendit l'an 617. Duc & Prince de tous les Arrabes & Sarrazins.

*Grandeur
 soudaine des
 Caliphes suc-
 cesseurs de
 Mahomet.*

Les Caliphes des Arrabes (c'est à dire les successeurs de ce Mahomet) se firent si puissants establisant ceste nouvelle Religion par leurs armes, que quatre vingts dix ans apres sa mort, le Caliphe Vlit fut paisible possesseur & Empereur de tous les pays qui sont en la côte maritime Septentrionale d'Afrique, de la Palestine, Syrie, Arabie, & Perse; bref de toute ceste grande lógueur de pays qui est depuis le mont Atlas en l'une des extremités Occidentales d'Afrique, iusques au fleuve Indus en l'autre extremité Orientale d'Asie.

*Arrabes, Sar-
 razins &
 Maures con-
 quereurs de l'E-
 spagnes.*

Durant l'Empire de cest Vlit, sçavoir l'an 713. les paillardises, vices & cruautés des derniers Roys Gots en Espagne, ouvriront la por-

1610_002r.jpg

du Mercure François.

2

1610.

re aux Arrabes, Sarrasins & Maures, pour entrer en l'Europe par le destroit de Gilbraltar, & conquister l'Espagne, où ils y firent mourir en cinq ans sept cents mil Chrestiens, la peuplerent presque de Maures, exterminant du tout la Monarchie des Gots, qui autresfois avoit foulé aux pieds l'Empire Romain, & ruiné Rome & l'Italie.

Tous les Historiens François rapportent aussi, qu'en l'an 725. sous la conduite d'Abderamen Lieutenant general en Espagne du Caliphe Gizit successeur d'Uit, quatre cents mille Arrabes, Sarrasins & Maures, passerent les monts Pyrenees, & qu'estans entrez jusques à cinq lieues de Tours au milieu de la France, ils furent tous mis au fil de l'espee par Charles Martel Maire du Palais du Roy Thierry. Et que cinq ans apres le Roy Amorrhee voulant secourir des Sarrasins (que ce Martel avoit assiegez encor dans Narbone) fut tué, & par luy desfaict en la bataille de Colibre aux pieds des monts Pirenees: ce qui depuis arresta ces infidelles d'entrer plus avant en Europe: & donna le moyen & la commodité aux pauvres Chrestiens Espagnols (qui n'avoient voulu subir au long de ces Mahometans, & qui s'estoient garentis de leurs armes dans les monts d'Asture, de Biscaye & és Pirenees) d'establiir asseurement les Royaumes de Sobrabre & d'Ouiedo.


*Desfaite des
Sarrasins &
Maures en
France.*

Le naturel de la nation des Arrabes, est (comme testifient plusieurs bons auteurs)

*Naturel des
Arrabes.*

A ij

1610_002v.jpg



1610_003r.jpg

du Mercure François.

3

1610.

*De Navarre.**De Leon.*

de Sobrabre se rendirent maistres des pays entre l'Ebre & les Pyrenees, se faisans nommer Roys de Navarre & Comtes d'Arragon; & de l'autre les Roys d'Ouiedo s'emparent de tout ce qui est entre le fleuve Duero & l'Océan Cantabrique ou Septentrional, (c'est à dire) de la Biscaye, Leon, des Astures & de Galice, s'estendans mesmes outre le Duero en vne partie de Castille la vieille; ce qui leur fit laisser le tiltre de Roys d'Ouiedo, & prendre celui de Roys de Leon. Pour vn temps ils retindrent sous leur souveraineté la Castille qu'ils faisoient regir par Iuges & Comtes: mais l'an 910. Dom Fernand Gonçalves du consentement des Roys de Leon en prit le tiltre de Comte Souverain. Voilà quel fut l'Estat des Chrestiens en Espagne pendant que les Roys Maures tenoient leur siege à Cordouë, iusques en l'an 1014.

Depuis les guerres civiles & diuisions s'augmentans entre ces infidelles, les Roys Chrestiens qui veilloient tousiours pour les ruyner, leur enleuerent Toledé, l'an 1083. Sarragosse l'an 1118. & Cordouë l'an 1147. Ces pertes notables firent que plusieurs Royetelets Maures s'esleuerent en Espagne chacun se disant Roy de son Gouvernement, les vns libres, & les autres tenants des Roys de Maroc & de Fez: iusques en l'an 1236. que le Maure Mahumet Aben-Alhamar se fit premier Roy de Grenade, & souverain des Maures en Espagne.

Aussi pendant ces diuisions qui durerent plus de deux cents ans, D. Sancho le Grand

A iij

1610_003v.jpg



Premiere Continuation

1610. Roy de Nauarre, erigea l'an 1034. les Comtez
De Castille, de Castille & d'Arragon en Royaumes. De ce-
d'Arragon, luy de Castille, il en pourueut son second fils
D.Fernand: Et de l'Arragon, D. Ramir son ba-
stard en fut le premier Roy.

L'an 1090. D. Alfonse sixiesme, Roy de Leon
& de Castille, ayant donné le pays de Portu-
gal (conquesté sur les Maures) en mariage à sa
fille Therese avec Henry de Lorraine; leur fils
Alfonse Henriques prit le tiltre de Roy de Por-
tugal l'an 1112. Voylà l'origine de tous les Roy-
aumes Chrestiens qui s'esleuerent en Espagne
sur les ruynes des Maures.

Les Roys de Castille donc deuenus les plus
proches voisins des Roys de Grenade, leur fi-
rent aussi plus ordinairement la guerre, toutes-
fois les Roys d'Arragon se rendirent maistres
de Valence l'an 1138. & ceux de Castille prirent
l'an 1248. à composition Seuille: & l'an 1257.
Murcie, les Algarbes & plusieurs places que te-
noient des Roitelets Maures, qui ne vouloient
obeyr aux Roys de Grenade. Ces reditions se
furent à condition de leur assigner autres terres
& biens pour viure en liberté de leur Religion,
sous leur domination.

Or ainque Musa premier Lieutenant Ge-
necal des Caliphes en Espagne (pour ne la ren-
dre deserte apres leur conqueste) de peur
de n'en retirer aucun tribut, y laissa de-
meurer les restes des Chrestiens (qu'il voulut
estre nommez de son nom Musarabes) & viure
en la liberté de leur Religion, avec beaucoup

d'autres
stiens en
ques vi
à la Ma
Lagu
les Chi
eux des
Chrest
demeu
des vil
aymoi
leur R
là & l
risque
la dist
Chre
place
lit au
Mau
rué d
parm
depu
ueau
O
duré
que l
& l
Peti
met
resse
de l
viure

1610_004r.jpg

du Mercure François.

4

1610.

d'autres priuileges: De mesmes les Roys Chrestiens en Espagne, apres auoir conquesté quelques villes sur les Maures, les y laissoient viure à la Mahometane.

La guerre n'estoit pas continuellement entre les Chrestiens & les Maures: il se faisoit entre eux des Edicts de Paix, à la rupture desquels les Chrestiens craignās la trahison des Maures qui demeuroidēt parmy eux, les faisoient sortir hors des villes, s'ils ne se faisoient baptiser. Ceux qui armoient mieux le lieu de leur naissance que leur Religion, estoient baptisez: Et ce sont ceux là & leurs enfans que depuis on a appelez Morisques ou nouueaux Chrestiens en Espagne, à la distinction des Musarabes, appelez Vieux Chrestiens, qui se retrouuoient encor dans les places que l'on reprenoit sur les Maures. Il se lit aussi dans les Histoires d'Espagne, que les Maures en ses renouvellements de guerres ont tué & pillé les vieux Chrestiens qui estoient parmy eux: & que les vieux Chrestiens en ont depuis faict le mesme des Maures & des nouueaux Chrestiens.

Or la Monarchie des Maures en Grenade a duré sous 22. Roys 264. ans, iusques en l'ā 1492. que les Roys d'Arragon & Castille D. Ferdinād & Isabelle contrainrent le Roy Mahomet le Petit de quitter le tiltre de Roy, & de leur remettre la ville de Grenade, & la grande forteresse d'Alhambra en leur puissance, à condition de luy donner honneste entretenement pour viure, & le laisser iouyr & ses successeurs de

Les Roys Chrestiens en Espagne iadis laissoient viure les Maures Mahometans en la liberté de leur Religion.

D'où viēt la distinction que l'on faict en Espagne de Chrestiens vieux, & nouueaux.

Monarchie de Grenade, qui a esté la dernière que les Maures ont eue en Espagne, ruynee par les Roys d'Arragon & Castille.

A. iiii

1610_004v.jpg




Image issue du site mercurefrancois.ehess.fr - Cliché (c) Cécile Soudan